



紹述先生詩集

和6
1495
11

早稻田大學附屬
圖書館
寄第
漢詩文
第 號
第 卷
此書館外不許帶出



1495
1/2

紹述先生文集卷之二十一 詩集卷之一



男善韶 校

五言古詩

送復軒適東都 辛未

予友復軒氏懷奉檄之志將赴東都維暮之
春華輟蒺輒乎洛嘗乞予贈言蒺夕期促不
獲如命期日黎明一二同侶祖錢送之都門
之東洛橋之上東厓子執盞卒占驪駒之章
班馬告別忽
忽辭去詩曰

余友何偃蹇窮兮洛之濱孝義本天賦穎敏邁等倫
昏旭具滌澼歡虞奉乎親稚松非凡卉蟄龍豈常鱗

名述先生文集 卷之二十一 古義堂藏



恢網無偏覆矣爾屯厥身萬事皆倚伏敦聘今臨闈
駕言之樂園胥慶素志伸時惟文奎盛承宣民沐仁
翱翔遊其土吾子亦何人爭得縮地術同賞武江春
一書生逃醫詩以諷之

大道何陵遲下與伎術夷于嗟今學者奔趨無定時
忘道唯謀利動逃佛與醫爾亦何為者效尤復蹈斯
奚若甘自棄髡髮學軒岐幾年讀書史今知亦徒為
復軒詞宗春日偶作一篇得于其表兄豆山子

曰次其韵壬申

無能二十年漫然唯食粟常恐忝所生且夕存洞窟



可憐滔滔者唯嗜利與慾利慾吾豈饜詩書願亦足
料子得膺仕且夕有啟沃早晚南來鴈萃止洛之曲
豆山閑人齒超強仕始得一息離懷而大詩以

悼之

岐嶷真英物既過試時脩竹抽稚筍碧梧長旁枝
何意稟生但溘尔薤露晞慈父舐犢愛不能遣斯悲
宜洒香山淚豈效東門薛墨鴉空留迹可惜寧馨兒

春寒甲戌

無處問芳信壯丁未就田四郊春尚寂何地且留連
提榼到山館荷鋤過野廩勒寒風料峭待伴雪嬋娟

隄柳青猶歛，溪鶯舌未圓。羸肌求壞帛，龜手就爐煙。
嘗記坡仙語，又聞子美篇。莫言花較晚，行到豔陽天。

會直諒堂

臘月八日同柘植直方三好
尚廣芥河時亮赤井家孝至

寒威逼窮陰，屢將新釀酌。世態任蹉跎，生涯嘆落魄。
簪纓鶴乘軒，居諸蛇赴壑。雪意滿長天，黃雲正漠漠。
曾誦七月篇，須勵三餘學。幸回竹爐紅，不須襲狐貉。

蔭山善軒示

子或人十二辰詩戲賦三首
乙亥

相鼠斯有體，牛性則解耕。兇狼虎傳翼，利祿兔窟營。
龍鱗無緣附，蛇影却堪驚。衰朽馬伏櫪，實禍羊謀烹。

沐猴冠何偉，鷄群意所輕。不求狗盜術，且求三豕正。
狡鼠據太倉，竊笑牛過堂。予無虎賁勇，徒試兔毫霜。
屠龍技弗售，埋蛇德可長。固盟雖刑馬，世事柰凶羊。
朝三猿何駭，德五鷄有常。狗吠達四境，幸無封豕妨。
鼯鼠技雖短，猶勝郊牛犧。每恐履虎尾，豈敢附兔絲。
卧龍吾所仰，畫蛇計何癡。既稱騏驥德，亦誦羔羊詩。
材是非猿臂，知亦乏鷄碑。不願續狗尾，冀免一猪譏。
乙亥中秋，言峰主人宅玩月，因主人請賦古體。
一章憶去年緒，方氏之集。家君冬
嶺兩子

此夕亦何夕，主人尋舊盟。未晡眾賓集，日入開軒楹。
 手擲蒲葵扇，口啜玉糝羹。羨舉首望東岳，須臾月生明。
 金盤徑三尺，精彩艷艷盈。鋪地金波爽，滿林玉露清。
 寒光通九宇，霽景遍八紘。飲輝恒星小，昭回銀漢橫。
 墨客毫端秃，練漉竟難成。徒習屠龍技，虛抱羨魚情。
 又想霓裳曲，唐家盛奏笙。回顧已陳迹，不覺歎音生。
 彼昏不知者，飛伏互輸贏。不知有真樂，殘瀝徒營營。
 此會固雖卒，坐皆一代英。詞源倒萬壑，筆鋒拂千兵。
 不比尋常會，談笑羨浮榮。予生幸得待，俱得不朽名。

遊鷹嶺知還堂

丁丑三月六日祐古峯拉予父子到別有記見文彙

城北有名山，蒼鷹萃止嶺。斗拔落自天，鎮衛氣象靜。
 于茲古峰氏，誅茅縛草亭。延招致才士，汝南慕聚星。
 自古金穴人，食前羅方丈。咄咄達空函，不覺嬰世網。
 腐儒衣襤褸，傲睨說虞唐。盤礴不改樂，任人喚做狂。

謝諸友壽家君七袞

丙子

四月廿二日門生北村可昌小河成材中島
 義方荒木重治中江景明大町質松岡特甫
 西河親長平井喻義山本通春惠藤一雄淺
 井國幹井原道悅柘植直方平井冬柏並河
 知竹北山惟明永井元剛大井貞廣谷口某
 林九成吉村某井上久敬豐田成美宇保某
 大澤英貞藤江清定高田專志垣內義凱高
 階教國豐田立成中村義正伊庭主政渡島
 忠明伊藤藤明倫本尾致和瓜生道安栗山之
 經石井常滋等三十九人壽家君七旬初度

平井德達小見山涼甫為賓子及二弟長敦
長衡奉陪以予宅隘借靈山宿阿彌亭日獻
頌上壽畢先生講學
而首章日暮而歸

元祿丙子年六陽隣下弦東阜擇勝地相共開壽筵
皆言南山壽弗崩又弗騫踰踰肅儀容舉饌咸周旋
拜跪起獻頌慇懃謝諸賢斯文未墜地扶植佑人豪
矍鑠老而壯七袞春秋高既不求聞達欽聖樂噐噐
遐邇服名望德輝更難韜來學四方士濟濟皆英髦
喜天假之年况吾属于毛崇觴酌清酒鞠躬恭上壽
子云宴勿侈唯荷盛意厚升堂講魯論竦聽森左右
豚犬踰末席自謝牛馬走世業雖折薪劣材奈荷負

此會固希觀頌德祝悠久

歲暮書懷

丙子

計會一歲事玩愒百無為今朝鵬三十嵎務無公私
吾本遠世用豈有消埃禪只合守蓬蓽蠅營亦追隨
白屋談仁義既受通士譏是非爭毫髮又取達人嗤
南畝舉趾者勤動無四時嘗欲事退耕力不堪把犁
北闕請纓者進退馬交羈况吾蒲柳質何堪供驅馳
熊魚與錢鶴自古常參差昧者疎斯理沉冥逃酒卮
微軀幸無患終歲醉書詩既適天賦樂何歎時名卑
祖業十弓圃瓦屋枕河湄竹愛垂檐朵樹除入戶枝

明簪幸四束，繙經常切偲。成篇尋字穩，用事要言奇。
課程多易違，光陰常難追。後來無成立，至是復咎誰。

雪窓閑臥得邊字古體

丁丑

矮窓僅二尺，遙對西山巔。中有閑臥子，聽雪常晏眠。
於世為長物，恒言古之賢。遊莫黃梁夢，久不到枕邊。

己卯除夕諸君會焚水翁宅讀唐史予冗迫不
造

輕肥衆所誇，痼疾竟不瘥。志既非馬革，揚揚唯紛奢。
何況摧車險，笑中懷鑊耶。轉喉時觸諱，危機免離置。
昧者不知還，尚爾涎龜網。容容祈後福，皦皦戒前車。

何似東山翁，清閑手瀟茶。平生何所似，麋鹿與魚蝦。
地陽花易活，市接酒常賒。埋頭耽墳籍，朱墨抹且塗。
既了南北史，次第到唐家。札闈子京筆，白髻覺微瑕。
膺月三十日，市聲曉尚嘩。街餘雪猶駁，籬著梅漸花。
人間爭錐刀，符牒紛而麻。或感志難就，居諸驚咄嗟。
是翁方是夜，會客尚梳爬。其客是何者，潘陸肩相差。
或有掾三語，或有溫八叉。時吐曾中墨，縱橫彩筆斜。
夙好非時樣，兒戲不掛牙。衆穉不解事，匿笑比嗜痂。
招呼不吾後，奈何事紛拏。紅綠春非遠，預期東臯霞。

戲為

庚辰

易牙久不見誰復辨淄澠榮辱與升沈擺來附曲肱
有時訪故人相對醉騰騰歸來日已沒矮窓一盞燈
左圖而右史烏几堪可憑隨意拈詩句蛇蚓滿剗藤
書生所自許動必說鯤鵬世間常不與獻嘲比癡蠅
不唯無知己或遭多口憎滔滔古今然何日復結繩

陌頭叟 庚辰

陌頭逢老父蓬頭衣縷遠街茨哀歎憔悴形偃僂
龍鍾倚閭門揚扇歌且舞舞罷乞餘瀝向人形媚嫵
或與一撮粟感泣僂且偃為問汝何者何故若許苦
云吾山陰人家世為編戶已有秔稻田又種榆柳圃

臧獲三數輩二子并一姥鄉黨不吾罪奈何生計魯
加之年薦飢苗稼傷風雨公租欠上供哀號詣官府
府吏不為通苛政猛於虎鬻田償逋陷空手無寸土
易業到長安開舖事商賈去年京師火煨燼及帳簿
二子沒邊地一姥病且瞽昨逢主戶責火急貼一金
言淚相共下哀感出肺腑聞之思慘然咄咄仰且俯
嗚呼聖上仁萬類咸和煦覆盆有遺照斯翁獨被侮
誰能扣天闕長使民瘼愈

吾廬 庚辰

屏顏壯帝居風景似環滁煙火十萬井當中著吾廬

吾廬尤湫隘，閑門枕清渠。兩岸有人家，相距九軌餘。
崖下深尋許，土沃近沮洳。旋闢丈來地，為栽數科蔬。
陽鳥既歛翅，涼吹飄吾裾。時有三二友，惠來趣晏如。
談中無他說，多及詩與書。少焉星彩收，冰輪走太虛。
方林逐清光，命僕移且舛。艸間虫聲起，葉底露華踈。
談罷衣袂濕，相揖訖歸歟。客去興未盡，倚筇暫躊躇。

除日口號

直從羲農後，日日相推移。親老而子繼，繼繼到今茲。
元祿庚辰歲，歲暮日斜時。料知萬古後，日日只如斯。

觀里村昌億法眼所藏東坡先生真筆 癸未

蘇長公題陳迂叟園竹五言十韵并豫章黃太史跋語四十字皆手筆也癸未之夏予得觀之于里村丈之室蓋大閣豐臣所賜其先世者聯璧雙鳳相映一紙可謂希世之珍也

坡老胸中墨，吐出滿園竹。淋漓數行字，逸響潤朽腹。
果然飲真味，不須願梁肉。壓倒無前人，元輕白又俗。
當時奸諛輩，貶斥盡耆宿。流禍及遺文，污蟻不一足。
毀折與焚燎，徒掩天下目。風濤萬里外，陽侯相約束。
詞翰千歲新，豈唯萬鎰玉。高堂之素壁，縱觀徒躑躅。

雜詠

戊子○此三首倣白氏體

賈者常陵賤，富者必笑貧。二者無常態，推移如轉輪。
賈胄陷氓隸，賤族齒縉紳。富室鬻第宅，窮門殖財珍。

融通百年事，死如環。斯循何執，一時命自誇。又自嘆，不見自古人。有時登紫宸，入為家。大祖生為時，良臣倭者窺其睫。諂者望其塵，子孫不守檢，失官忽沈淪。甚者當其世，榮替常相隣。朝朝黃閣上，夕配下土濱。賢賤既如此，貧富亦復均。昏者昧此理，得時意津津。自誇門地華，凌厲蔑眾人。何況陷下流，賣族說世親。不見殷阿衡，本是商野民。致君成大業，于今稱有莘。從來才與德，不隨時而泯。太上或不及，要須守斯身。

其二

南隣有富商，仍世名膏粱。殖產業日廣，營利門年昌。

金珠盈匱，攬粒米委廩倉。一旦身先死，驕子主肯堂。遽革儉畚習，俄入繁華場。千金購揚茂，百兩擲平康。須臾門戶隳，典賣失園莊。轉變窮又窮，白日適四方。北隣有貧子，夫妻賃一房。傭作為人，勤終年只空囊。傲睨向人說，富者常必亡。何似我曹輩，辛苦却自長。忽遭三輔飢，失業去家鄉。熟觀二人狀，始悟天道常。古來家與國，未有終不亡。誇富固可厭，傲貧亦何臧。貧富業雖異，畢竟不免僵。三世或五世，隨時有興喪。事業必勿曠，聲色必勿荒。只務當年幹，自得後來祥。

其三

世人願家富，君子欲子賢。欲賢固可，貴得失亦系天。堯舜萬世聖，其子不堪傳。瞽鯀天下惡，其後還興焉。一是上智才固，不回習遷。一是下愚質天賦，本不全。適值者事變，聖賢免無緣。必然者常理，今古常不愆。吾觀世間狀，兼驗先哲篇。賢愚係習尚，教訓蓋勉旃。家肅教禮法，子孫不忝先。勤苦守世業，不為外事牽。雖時有盛衰，祚胤常綿延。門奢事情遊，子孫多愚孱。黠者或豪侈，浮躁必慧儇。雖暫如繁開，終也必墜湮。中才性相近，習故大相懸。請告世君子，謹習祈永年。

寶永行

元祿十六年癸未十一月廿二日夜丑時地
大震關東諸州最甚前後東州火災頻作壓
溺焚傷不可勝數明年甲申改元
曰寶永四年十一月富士山焚

歲維在癸未，關左陽戾，殃明年改寶永。更始頌無疆，丁亥甫四年。方冬有愆陽，十月日初四。地震遍四方，草反地多裂。屋壞樹又僵，南徼颶風起。海立湛隄防，踰月下弦日。士嶽火煌煌，猛焰接天殷。湧沙成山岡，礫焦迸四遠。霏霏落如霜，委地厚數尺。陰曠不見暘，年回維戊子。三月融風揚，青宮時營辦。冊立祝儲皇，初八日差午。火起教業坊，孽火延宮闕。萬竈忽燒亡，翠華舍近郊。士女奔蒼黃，百年富庶地。蕩為煨燼場。

茅茨依紫陌，遷徙居無常。且方春夏際，地生白毛長。
考諸五行占，相傳是白祥。又逮初秋二，畿甸大風狂。
拔奇飄瓦礫，撒屋倒垣墻。工作人不給，百物價日翔。
訛言不可窮，疾疫方大行。吾想民風澆，侈心逐日張。
天心仁愛甚，勸人戒滿亢。昭然誠可畏，不須問京房。

挽坦菴藤先生

戊子八月廿四日卒壽八十六

壯歲參越幕，宦歷五十霜。眷遇主致禮，矜式士有望。
翰墨法度嚴，詞采光皎長。隻字初落紙，人間爭珍藏。
奇書寫滿屋，名花栽在莊。佔俾老不休，耽閒臥洛陽。
嗟嗟不愁遺，精靈歸彼蒼。暗燈秋風叫，落月暮雲狂。

寄語二三子，投淚慰憂傷。一部坦菴集，身名不匹

三神山

戊子

秦皇求長生，方士集成陽。徐市最多智，其說不荒唐。
說道東海中，三神山蒼蒼。其上有靈草，服之壽無疆。
皇帝信其說，一葦泛大洋。遂從童男女，携書向扶桑。
聞者以為誕，取比何有鄉。吾想此不然，蓋寔來我方。
吾邦多靈岳，民物亦壽康。山澤興寶藏，土沃宜稻粱。
風化最簡朴，上下互相忘。三代文獻傳，于今日月彰。
閭苑若實有，恐讓此土良。徐生傳聞久，竄身此來藏。
熊羆有遺跡，恐非假託妄。誰識三神山，更為多事場。

方廣寺

戊子

嗚呼方廣寺高麗倚嶙峋偉材自溪岳鉅石來海濱
大像坐其中八丈金色身鼻孔可張傘掌上坐十人
凡庶仰宏麗瞻禮香火新其稍有識者則憤非族裡
吁不唯非聖亦非其教真立法弊至此吾今為子論
人事有善惡賞罰則此隨人有所勸沮非僻不敢為
賞罰所不及法吏無緣治邪志追年蔓正風隨日衰
金僊欲導之託其權陰司云莫造三業業報不少差
陽罰縱或逭幽界必錄之勸人息逸欲誘眾引慈悲
雖非自然道蓋為善世規眾雖信其說貪暴不勝私

唯欲滅罪障媚竈務喇施猾者乘其虛誑張說日奇
萬金華塲廟千指鉢僧尼寡婦供撮粟王公括民脂
施為贖刑舉受為鬻獄資人心若不古斯風應日滋

陌上行

庚寅

陌上人芸芸作業日營營戴白老叟走提携黃童行
壯夫怙氣力負擔跡縱橫昨日出門望有箇各種人
今朝出門見無復別樣新東阡與西陌絡繹幾秋春
誰知真真裏大機密推移老者溘先露壯者亦老衰
今日八尺夫當時哺乳兒日常何所為唯謀衣與食
泯然野草腐徒爾曠厥職誰垂不朽名萬禩照典則

病餘戲為

辛卯

臥病過十日，淡粥哺枯魚。重重羅帷掩，瑩瑩紙窓虛。
牆東有新竹，出牆纔尺餘。一旬黃梅雨，已使枝扶踈。
兀兀無所作，課童拂白蠹。一笑忽欣然，又對古人書。

拜

太神宮作

辛卯

惟皇垂帝統，無外庇蒼生。首出乾坤位，照日月，明
茅茨餘古朴，俎豆屬昇平。萬室比豐阜，二川夾宇清。
我來何所禱，文教日新成。

寄題藤江平介丈三峰軒

藤熊陽道兄新歲有書未報詩以道意

有客在龍野，簪華佐雄藩。羽儀肅鴻漸，文彩藹鳳鶩。

泛駕不受羈，凌厲沂道原。三峰天外落，對此開幽軒。

常有簡編適，素無送迎喧。早晚拉相知，商榷借細論。

須罄南山竹，好貯北海樽。玄遠窮義昊，幽微挾乾坤。

時維屆朱明，暑雨欲覆盆。蜀魄聲始稀，坦腹飽午飧。

忽動雲樹想，一室代晤言。

壬辰

感託一首贈瀧丈歸鄉

吾觀天壤間，無物不有程。規矩與繩墨，萬物斯取正。
况是人之生，無法何以成。其法烏乎在，仁立義斯行。
往聖開來學，垂訓日星明。微猷漸陵遲，辨說始縱橫。
鉅儒相後先，輩出以道鳴。衛正雖盡力，淘汰尚未精。

明鏡與止水唯務其瑩澄專要除蔽障不復道為衡
先子奮獨力剖拆費細評之子自遠來叩道到京城
我亦無餘說廩倒困六傾歸求有餘師何復逐虛聲
當人各在職勉旃盡其誠親親而長長其效天下平
以此老生談締子他日盟

賀實松元林翁八表壽

戊戌

元林翁在肥前佐賀鎮潛心聖經教授多年
今茲齡逮八旬邑人士競詠詩歌以壽之目
賦古體一章
以寄之云

有人海之西豪資本夙成青年志斯文間關遊帝京
當時耆儒輩追隨締同盟嗟呼先人在扣門蒙識荆

道遙歸梓里墳典含其英邑侯欽風義鄉氓傳姓名
顏齡登八表學圃不輟耕欲效華封祝雲山幾百程
聊裁一篇詩為寄千里情譽壽與無疆何羨東方生

壽佐野氏乃父六表

佐野氏今尊今年登六表
壽四方歌詩為壽為寄古

體一章以祝
云○甲午

人生凡百樂何事樂最深孰若親闈間承顏奉歡心
無人知愛日歲月轉侵尋傲狠不顧養多愧反哺禽
盍師曾子行至孝聞古今嗟子亦何幸乃尊歲六旬
強健方矍鑠蝦身幾秋春嗟子亦何孝慶此初度展
觴豆韋家樹嬉笑彩衣身聊將祝壽詞為贈色養人

正德五年乙未十月廿八日廬山大明準后駕

遊高雄應教

乘此蕭條時，帝子促勝遊。竹兜鳴軋軋，雨涉林丘。峰迴又峽束，十里翠烟浮。叢篠夾石路，虹橋跨碧流。棟宇自神護，金榜耀銀鈎。人文傳三絕，追蠹掛朱樓。嵐侵佛身濕，風遞清梵幽。俯瞰千尋壑，錦楓蔭山秋。題名託粉壁，欲還且優游。應是北山靈，馳烟苦挽留。席上重次奉見臆韻。己亥三月遊泉南渡，過道兄客舍未訪。桂水百餘里，偶憑一蒿航。舳艫沿歷歷，款乃破蒼蒼。跋涉率彼楚，笑譚集此堂。高軒通海氣，虛檻納巒光。

彩筆連篇，璨雅音盈耳。洋銀絲鮮上，俎綠醕湛飛觴。庭砌芝蘭秀，應傳書種香。

感述一首己亥

天道惟陰陽，地道乃柔剛。人道何在乎，在仁義提厥綱。配之以禮智，民紀賴以張。遵行無賢愚，四達乃康莊。所以名曰道，終古孰得亡。惟昔三代隆，政教日月明。上行下斯效，時雍四國匡。周道已陵遲，功利說猖狂。吁嗟彼暴棄，怠放罔自強。亞聖憫斯切，指示此心良。惻隱及羞惡，辭讓是非彰。允民莫不有，賢者能勿喪。此乃道之端，何曾待商量。克之道斯有，藹然覃八荒。

名遠先生文集 卷之三十一 詩一 石義堂藏

譬如寸苗，穉參天竟，蒼蒼聖祖，宗盟渙斯，文屬此羊。
遺經雖徒存，墜緒轉茫茫，秦火漢黃，老金狄隨，跳梁
虛玄習，自晉詞賦，盛于唐，天啟茲宋室，五緯聚煌煌。
碩儒時勃興，六籍爰表章，奈何矯過直，主靜其說長。
乃曰性即理，方寸萬象藏，其初真而靜，靈明具五常。
利欲汨厥天，明鏡翳之光，用工自是異，唯要祛其障。
先子夙耽學，抱槩教家鄉，壯歲窮理奧，精微析毫芒。
恍然疑其非，將升鄒魯堂，幸賴天之靈，發揮說六詳。
嗟予嘗趨庭，膚學愧面牆，徒爾述遺訓，庶幾傳書香。

悼木鐘老丈

壬寅

夙稟瑤璋，姿學殖恣，耕耘燕臺，嘗聘賢冀，北空馬群。
長劍倚南極，衝霄瘴海，氛抽毫忝戎幕，質疑仰多聞。
書法勁如鐵，詞華靄似雲，志期賈太傅，才名郝參軍。
舟航千里，險霜露半生，勤告休每在都，招客議論紛。
嗟予忝親契，濫竽到宵分，近來耆英萃，典刑唯憑君。
斯年何不淋蕙枯，蘭亦焚九原，誰能作酌酒祭新墳。

唐氏樂水軒

壬寅

唐氏泉監住祖，澤奕葉傳昆玉，耽墳素月露，輒連篇。
聞說仲氏業，幽曠殊洒然，十畝簇異卉，樂水扁其軒。
種分南陽菊，根分玉井蓮，把卷於其中，輝映競秋妍。

南溟天地遠扶搖竟無緣遐想役夢魂覺來託吳箋
 童阿林姓山田氏尾藩仕家之子也未逮頂橐
 之齡已運如椽之筆予友宮舜弼氏裝潢其所
 書數字巧予一語以獎其成立延譽之至為賦
 古體一章以期其遠到催迫幸恕草草癸卯之春
 真宰陶羣品惟人眾為靈含齒襍然處惟聖克踐形
 木鐸久不振嘉言孰從聽後造流浮華書肆與說鈴
 尾張有秀子僅及覓梨齡能寫盈尺字心畫有典刑
 親黨玉汝成歌詩播惟馨宮子吾故舊書來囑丁寧
 勸子須努力益壤有六經眠存與夢繹骨刻且肝銘

目前莫趨便千載託丹青參商難會面片言効契瓶
 會京府醫官東城翁舍見示古體三章回次韻
 古意一什以謝丙申
 有客自東來青眸是日回阿戎嘗願我譚笑披蒿菜
 羣季皆俊秀又見和鳴啻一見如舊識百歲開好懷
 漫為辛亥
 醉中吐實語眾穉嗤其狂醒者護人情貌言還色莊
 誰於醒醉境能辨真與妄君子慎樞機矢言率其常
 平明雪未晴饑雀樹頭悲街頭賣菜聲遠近相報知

卒明 甲辰

忽聞鹿盧轉竈婢，舞晨炊。滴滴簷溜，下窓隙，逗赫曦。
真成黃綿襖，煦姬如春暉。擁被猶就火片，時坐如癡。
盥漱著布袴，炷香拜先祠。問字人未到，隱几讀毛詩。

古戰場

乙巳十月廿一日 猪氏宅

書劍行落日，亭堠接山陽。天末征鳥滅，寒霧鎖幽芳。
郵子為吾說源平，古戰場孽狐白日，嗥鬼火昏夜蒼。
追憶當日事，低回令人傷。策勳與敗績，榮辱隔存亡。
銷磨兩無迹，而今水洋洋。臨流飲疲馬，短詞吊國殤。

大榭方庵，令父母俱年登七秩，見徵壽詞

題池岸有

松鶴為古體一章以述祝壽之意云

丙午歲仲春

人誰無父母，福履佑自天。俱存君子樂，雙壽古稀年。
吉日兮辰良，于差賓初筵。瑤池春波暖，松頂鶴蹁躚。
世載故舊契，聞之意欣然。敢効華封祝，拈筆寄短篇。

秋夜長

丙午蘭曉氏宅

良人方應募，一別無歸期。而今五尺童，當年襁褓兒。
金飈初入戶，亭臯葉落時。整裙拜新月，寒光滿羅幃。
征雁虛傳信，暗蛩轉助悲。不寐夜曼曼，無心撫琴徽。
人情多翻覆，行路有安危。好輕萬戶侯，莫使鬢成絲。

題圖書淵

東溟子，韵人也。產于防而官于藝，素有巧思。善摹印，目其表弟晁德濟氏，熟其為人，也久。

矣雖未識面而已神交乎竿牘之中客歲譜其所刻印章微名且序之嗚呼垂之弓和之矣擅巧之名久矣明氏以來學士家好刻印章文三橋何雪漁之名特著焉東溟子其伯仲之間乎曰題曰圖書淵弟長堅既序之矣不須予贅為作歌以寄之去○丁未孟夏

五瑞頒羣后九鼎受洪休所以示大信凝命鎮神州
秦璽刻永昌傳國祈千秋印綬三等尊制度自炎劉
左顧表貴兆倒用折奸謀世習趨彌文敵琢競風流
吁嗟東溟子妙思孰敢儔雕蟲隨刀削精微窮渺幽
篆籀古今變功與造化侔忽得一函譜夜光駭暗投
小笠原松泓老丈過京之次寓于鴨河水亭見

既次韻奉謝
丁未
晚夏

虹橋跨巨川層樓近都門四望饒山水一咲豁乾坤
境與閭閻接更無輪蹄喧春風紅花盡夏物綠陰繁
傾蓋真如故相逢此倒尊陶情詞鋒銛談古辨瀾翻
暑塵不相到清涼徹骨思人間多是非區區何足論
唯須輸肝肺坐來日已昏一別海山阻千里憑夢魂
洛陽道
丁未
七月
乾坤初霽色重關次第開四陸道里均繡陌相縈迴
車笠互旁午日夕冒黃埃相逢不相識去去復來來
不知自何處還向何處回火輪頭上轉白髮路中催
達者齊窮通沉冥判一杯志士重功名慷慨賦悲哉

二、者竟何是千載只寒灰誰能不虛生力挽世波頽
不誤 享保戊申廣南獻馴象已酉四月廿六日入京詩以紀之
大造育羣品洪纖各有區靈椿虛傳壽鯤鵬談亦迂
惟象超獸倫厥狀最魁梧土性出南荒萬里風氣殊
乃能燧爾尾休道焚其軀天篤種寔繁騎畜如牛驢
既比三獸渡又說衆盲摸曩昔應永年貢與鸚鵡俱
傳聞不詳實想像徒按圖方今丁昌運醴化遍海隅
異卉來絕域文錦自勾吳又見廣南界底貢遠乘桴
潭數與潭綿恭養教象奴葛蕉及占稻餵飼代秣芻
控勒無別具一杖形如艾拜跪解人語行止隨指呼

前年抵長埭今夏駐洛都麟困彎其鼻擁腫楹其跗
沿路人堵觀填街又溢衢異物幸目擊宏覽足破拘
正野玄三翁家于江之日野以鑿著名嘗及丹
水子之門其子伯由氏向來京師肄業今螟蛉
師門是歲翁齒登七秩見徵祝壽之章仍賦言
詩五闕以寓頌禱云 巳酉

人生誰無子有子未必賢此翁有佳後競爽不忝先
人生誰無宅有宅未必安此翁家殷實棟宇倚江干
人生誰無術有術未必仁此翁師丹水良方壽斯人
人生誰無壽有壽未必健此翁齡登七康強前程遠

人生誰無名有名未必榮此翁膺五福歌詩播芳聲
享保辛亥三月泉南訪渡邊丈人解舍一別二
十餘年矣酒食款遇秉燭道故猶前日也既歸
作此以代柬幸勿罪踈悞而令郎同憑寄聲
憶昔京輦下高蹤接隣芳當時君未室意氣特軒昂
世事滄桑變叅幕茅渚陽嗟予守舊業歲月書一牀
偶爾縱大觀圖南茲望洋欲造故人居隨柳問北莊
觴豆款父執昆玉已成行且締重來約草率綴短章
讀書有懷 癸丑
結髮耽墳素光陰佔俛中典學師傳楚州玄効揚雄

一燈千古耿寸心萬里通干戈傷亂日禮樂想淳風
奈何趨末造繁文浩罔窮聚訟是非殺喧遂孰復同
嗟予奉遺訓聖猷斯折衷倏忽今老矣冀以此畢躬
今茲東馭准三后遠賜十七史一部弟長堅時
在紀聞之作詩寄賀回次韵以會之 乙卯歲
二月日
為善惟最樂昔聞東平王今見 帝子貴夙夜親縹
緗京輦嘗駐駕鄒枚與連牀忽賜一部史籤題特精
良圖羅載今古播閱晰興亡豈翅醫謏聞陋室生輝
光祇須韞且匱寶傳貯芸香

九日作 庚寅

金候方應節，爽籟襲房帷。寒蟄不成聲，哀吟最可悲。
踈林風初緊，黃草露未晞。對此蕭條境，同斟九日卮。
天地吁空濶，今古無盡期。白雁帶秋信，喚我不平詩。
嗚呼欠三釜，聊復說四維。癡坐觀群動，牆東又斜暉。
歲癸卯芥河脩安老丈八袞初度辰賦呈古體一章
憶昔吾先子，倡道抱遺經。朋來屢常滿，應酬無白丁。
距今垂四紀，耆宿多凋零。唯餘芥河翁，百年尚典刑。
夙攻鑿國術，已逮釣渭齡。精微見一方，刀圭藥通靈。
肯堂世厥業，遭際遽紆青。今茲覽揆辰，頌禱宴家庭。
天桃艷媚日，芳醪湛滿瓶。何以效華封，一幅揭壽星。

七言古詩

咏廣濟堂前松寄岡部丈丙戌

廣濟堂前一株松，枝幹矮古色蒼蒼相傳乃公嘗手
植植來而今五十霜。主人思澤愛不已，豈止名南敬
甘棠朝而別鬢晚而撫旁倩詞人夸賦章君不見牆
頭嫣然桃李子的皦爭春闕一場又不見河畔垂垂
蒲柳樹風流媚人早先黃何似千載後彫叟柯葉不
改德有常既無繁華悅人目又非態度學世粧太廟
之成明堂建微君何以架棟梁夏后立社良有意曷
惜滿口極稱揚

蘇東坡詩集

耳塚覽古 戊子

六十八州叱咤中雄志不滿思邊疆神功千載慕往
軌授鉞清正與行長金山浦口百萬兵夷主求援乞
大唐二帥鷹揚諸將勵邢玠石星奔且僵鴨綠江頭
屠三都碧蹄館下虜二王百年功名青史外唯有京
觀似小岡

膳脂坡 戊子

膳脂坡下妖狐窟狐化為人扮紅粧紅粧為餌歌為
鈎勾引多少少年郎吞鈎含餌迷不返癡情感疾入
膏肓一擲千金豈知惜不省堂上有爺孃才者化愚

愚者盜富者財盡貧者僵焦賊爛墮不自知東漂而
泊轉郎當所在有家名凶宅言使住者身不祥不祥
孰如此處甚遍使過者招死亡

早行 辛卯

筍輿侵曉分野草草露顆顆足虫聲依岸茅茨戶未
啟時聞晨鷄屋中鳴一犬寥寥近人吠草木山川朝
氣清不是王事靡盬故探勝暫為江東行却笑屋裏
高眠者應該征夫貪路程

桂川丈人見寄古風一首次韻酬謝 辛卯

一別參商音書濶屈指歲月閑中長平生不羨遊仙

蘇東坡詩集

卷之二十一

蘇東坡詩集

枕及第何求，選佛場文章圖書紛左右。嗶嗶漫比古之狂慙，愧依樣畫葫蘆。鑽仰年年昧自量，千里尺素慰相思。字字金玉宗素王，衆卉叢中何所比。長松千古凌雪霜。

鈴虫引 壬辰

百種秋虫耳根鳴，唯有鈴虫似鈴聲。中宵技癢啼不止，啼徹四更月初傾。滿園秋草汝所安，三寸籠中厄此生。異能災身物皆然，象齒麝腰前戒明。漆園傲吏達此理解，道為善不近名。那識蟋蟀不解音，唧唧唯使懶婦驚。十月薄寒肅其霜，健羽長脚倒縱橫。異聲

凡音死等耳無能，無憂何足榮。

松寺幽居 戊戌

江東山水鏡奇秀，天將間地供間人。嘗戴武弁翔藩府，東奔西馳飽艱辛。早知急流宜勇退，翩然辭去岸鳥巾。百弓之圃環堵室，野綠天碧接几茵。烟靄霏微山當画，琴書蕭散竹成隣。偶然時命千里駕，來探長安花柳春。未拚予原十日醉，素衣已厭沒馬塵。臨歧慙慙索予詩，歸去催迫簡書頻。何日借得志和舟，松寺村中著此身。

竹 癸巳

竹 癸巳

昔聞渭川千畝綠，又思連昌宮裡榮。月下時寫森森影，風前更作獵獵聲。長松竒石蕭寺側，幽致得君別有情。千箇萬箇多固好，一竿兩竿少也清。詩中得君詩不俗，畫裏著君眼特明。山陰高士君知己，訪君突入不通名。玉堂仙吏君莫逆，斷肉寧甘太瘦生。吾亦為君致東臯，爭奈湫隘聘不成。

泛湖舟中望竹生島 乙未

太湖空濶氣澄鮮，玻黎萬頃岳影倒。嵐際麗譙不可攀，琪樹彤雲杳無道。青糶糊裏擡一笠，榜人言是竹生島。越山縹緲京山低，到處水鄉飽魚稻。眾史睥睨

不下筆，恍若鬼設與神造。騷人何肯許章盡，一舸耐可追張老。

義士行 乙未

一片義氣蓋壤間，白虹貫天氣如神。碧血千年磨彌明，誰識而今目擊真。憶昔匠作犯不韙，杜郵期迫命委塵。忿瀆不散身，先隕宿草空掩夜。臺春遺臣四散，宗兵盡喬木青。社事亦新一夫倡，義眾左袒糾率四十又六人。深謀秘算誰能覺，東漂西羈飽艱辛。詭迹曾逃花柳巷，託名暫竄屠酤津。張郎未得狙擊便，武陽欲進徒逡巡。仇家一旦弛警備，方夜酣醺會眾賓。

謀人速報好消息抹額袴褶束裝頰四更更盡寒漏
徹梯屋斧闐驚四鄰冥搜炬索認暗號利戟快刀地
燭燐主人竄伏不知處人氣餘暖在臥茵行履尋到
薪炭廠甘心始得宿憤伸慙慙祭首舊主墓誰何無
人夜向晨投牒有司去自首進止唯命件件陳有司
執法且拘繫東武官邸託四鎮朝野自是爭嘩傳萬
口齊唱是忠臣諸鎮聞忠館待厚留止在英十餘旬
公義私情難兩全盤水加劍俱殉身君不見古來秦
養偷生者賣降投款每相回了得是君未了事千古
公論不可泯

秋夕詞

丙申

四時秋最悲秋色晚更淒斷雁雲際叫暗蛩叢間啼
尚是低摧無事人况復倦客與弃妻

江上花月歌

勸君莫看江上月江月促年容易流勸君莫賞江上
花江花飛飛春又秋江花江月太無情盈虧開落不
肯休君不見翡翠帳中金鑿落滿堂絲竹陸海羞看
月賞花度年年不信人間有底愁又不見五陵年少
氣如虹鈿鞍寶馬綠錦鞵看月賞花出日日東阡南
陌取次遊富貴無常人易老人間何處有丹丘朱門

人去掩黃土，綠鬢時換。忽白頭，白頭黃土，無人問月。白花紅自悠悠，悠悠宇宙人如蟻。誰將姓名，宇宙留。

下雲母陵記所見

八月廿四日上天台山，山頂鑿屋，稱中堂講堂戒壇，老檜危杉之中，院院各占山腹，幽邃可想也。畧領西嶺之諸勝步，下雲母陵，是處湖山映帶，帝州景勝盡于一鵬。謙齋亦送到遂與別約，明年將刺舟湖上，窮八王嶺東西塔之奇，而歸時甲午之歲也。

雲母波頭日始，晡懸厓一髮倩。久扶依稀遙認巖間，寺激灑回看松際。湖日夜乾坤大江湧，山河龍帝州。圖千峯直北，波濤綠萬丈絕。冥草木區杯飲有時，分雪瀑放節且喜近坦途。憑虛何羨彩鸞，馭一瞥直。

成隘八都

菊花會己亥

宋時成都闔戶牡丹，號萬花會。廣陵亦倣為芍藥會，事見小說。餘醪白御袍黃皆菊名，見花鏡。近年都人甚賞菊，競鬪奇品。殆近花妖，日漫為一篇記其事云。

十載長安豪侈甚，寵移園圃賤花王。周盈真人索價，高家家聘致上華堂。維昔成都萬花會，姚黃魏紫鬪一場。昇平百年方今日，滿城為君人如狂。灌畦縛籬終年勞，刪葉祛蠹畏日長。輕綃剪出醪醕白，鬱金染成御袍黃。奇品徃徃如斗大，睥睨照乘與夜光。吾舍墻陰僅一徑，寒枝扶疎傲嚴霜。平生不用培壅力也。

放數花報重陽

享保己亥之冬朝鮮使客過備之福山面弟長

英求請先人遺書庚子

萬里星軺自三韓隣好百年盟不寒候人前期飾亭
館縣次續食禮數寬吾生三逢過都下冠裳濟濟慕
諸夏海青鼻比充庭實駿馬豁鼻真泛駕五十二程
赴關東彩旗獵獵捲秋風文人才子爭投贊心照神
交尺楮中復路還日迨一陽液華津口已開洋有弟
抽毫官備藩邂逅記室成夢良先人風聲播殊域懸
勲脩刺訪潛德遺書一帙代編紵夙志喜傳箕子國

那波賢岳氏八坂別業藏殼軒產芝二莖詩

以賀之云庚子

二十年前風騷會杖屨追陪多耆艾東山之趾藏殼
軒深松茂竹疑爽籟主人肯堂不忝先輦下占籍垂
百年瑞芝三莖產宇下咸云和氣感上玄天意茫茫
雖難睹此物為靈稱自古預卜家道日殷昌于旦于
夕念爾祖

享保庚子之夏同遊鞍馬山作四月廿七日

聞道鞍馬山水奇生平每恨登臨遲清和雨霽饒逸
興莫逆三五此相隨行行沿澗十數里酒肆茶樓山

下市七盤盤盡始投筇香火絡繹人如蟻松杉蔽虧
路榮確尚餘延尉試劍石嗟乎吾無濟勝具幽尋未
到清父宅

三老詩次香山九老韻寄松雪道人歸越乙巳

主賓高壽并三百一咲粲然弄白鬢嘗集瑤池霑勝
宴又連綺席占清娛誰言却老方何益共說養生論
尚慮此會難於當時見伊人應自上天扶已聞奇事
播朝野欲託良工入畫圖借問滄桑今幾變莫教消
息墮虛無

曾祚松刺栲本大夫像歌乙巳

播州曾祚松管公西遷之次所植邑人琢其南枝為研正德中嘗上之
崇治收其刺材刺栲本大夫像求贊詞于予為作歌以贈之云

周詩曾頌徂徠松秦時又授大夫封阿古當年聞東
國只今曾禰傳靈蹤管公手植幾星霜騰漢祭地蔽
天光行人到此每低回遺愛永思名南崇斷菑枯釵
尚襲珍不許摧殘窮為薪巧鑿墨池代陶泓千里負
緣入玉宸太祝主人有心匠嘗收餘材費思量栲
本大夫古歌仙摸作岸巾求句狀嗟古之人啟我後
于今耿光其可久手澤猶新典刑存應與君名俱不朽

畫馬行十一月朔
癸宅

周王慢遊遍八紘六轡如飛不問程崑崙之墟瑤池
 波盜驪山子徒傳名吳興公子天水裔丹青千古畫
 英聲意匠貌出八龍圖若騫若翔殆天成知換幾人
 流海外掛在高堂眼偏明怒而相跂喜相靡隅目晶
 熒四蹄輕吾王宵旰勤民隱縱然得此將何行誰寫
 幽風七月詩跪獻九重澤蒼生

壽三崎道菴老丈八句 丙午

海上三山靈種多瑤草春深覆巖阿秦皇當年羨長
 生空遣童州航鯨波遺方藏杏林僊不許人間取
 次傳九轉丹成奏殊功一方疲瘠仰民天憶昔觀光

遊清洛意氣軒昂事如昨聞說今茲登八旬子孫成
 行方矍鑠白嶽挿天雪如銀恨不泛舟五湖津奉爵
 同慶初度辰

文昌神歌

藝藩屈景山子家世藏梓潼帝君像闕于篁
 衍之中者久之近者母孺人勸其祖豆以奉
 之旁募當世文儒之歌詩以徵其事予
 亦與焉曰次其從兄習齋子韻以寄呈

冠裳偉然文昌像相傳北斗魁星精云弗元子常有
 驗手執文衡住三清崇奉成俗始自宋梓潼所在締
 社盟舟楫不隔大洋海何年東來值昇平方今五緯
 啟昌運才子袞袞登蓬瀛綿綿最當年徵林孫解頤後

來說匡衡，就中屈家。西學博高，曾規矩不失程。伯仲
競爽，互相倡何數封。胡羯未名家，藏遺像幾星。霜母
氏德，史力經營，橫之藉之。募歌詩，會見芝蘭庭階生。
有感己酉

華屋荆榛，一瞬間覆轍。尋常轉堪悲，洛陽從古佳麗。
地艷冶，誤殺輕薄兒。爾祖百艱始興家，千金營度置
文籍。朱墨加意，五車富秘，惜不許四紙。借阿囿放蕩
從失學，端研歛墨俱塵埃。一旦沾却四方散，古董肆
上積成堆。籤題宛然故人跡，歎識又見圖書章不省。
傍觀代淚，猶向人間說短長。

秋蟲辛亥

秋夜方長，秋月明。豪門張宴，到參橫。銀燭煌煌，酒如
淮。唯聽詭歌慢舞，聲獨有思婦，守空閨。寄遠書成初
緘，題四壁，虫聲不忍聽。切切只為一人啼，老我身遠
寵辱場。秋來徒嗟滿頭霜，感激天真不自休。欲賦秋
聲續歐陽。

次弟長準新正韵

享保癸丑，年弟長準休告，在都。有新正，作
不日將東行，赴任。仍和其韵，且以贈別。云
定鼎千年，帝居壯觚稜。雪殘晨，輟景緬懷艸，昧到于
今。世道汙隆，祭可考。惟昔禮樂敷四海，黔細熙熙戴

義昊爾後時移亂離廢玉風久矣委蔓草但知玄甲
 佩鴈翎何計綠酒傾焉腦生民尚爾艱衣食文儒况
 百事梨棗方今治定民寧一萬戶迎春恩浩浩嗟予
 家世業鉛槧少壯被服周孔道汝曹亦能繼先蹤致
 身青雲非不早今歲眷集值新正喜聞善頌且善禱
 莫將麴蘖曠光陰祇須詩書期終老君恩母慈何日
 酬臨歧忽忽抒懷抱

寄題秀野亭 癸丑

畿甸形勝漢三輔千里沃野稱天府聚落星散萬城
 趾帆檣影接茅渚浦百濟川西平野鄉廬井秩秩俗

慈祥邑入嚮學徠文儒携朋嘗造舍翠堂故人愛間
 置佳野美華好竹占幽處酒食招我問亭名秀野取
 諸坡翁語惟昔百年龍戰地玄甲耀日屯萬騎而今
 四海無虞辰談笑終日與君醉

少年行贈又玄生東歸 己丑

春花秋月年年變白兔黃鷄日日忙迎來送去無休
 日醜顏不覺忽蒼蒼勸君須惜少年日是日一往不
 復來男兒有為皆若是莫將曠廢誇不才

山家春興

丙午二月廿一日 淺井氏宅

琪樹影合獅子谷鳴禽來往萃頂北躑躅滿巖猩血

紅花陰往往遇遊鹿山人喜客傾白醪山童撥灰煨
黃獨瞑色冉冉惹餘興應聽清猿嵐際宿

題畫鷹辛丑

不受絲環不上鞦韆確巖頭啄多時金眸星煖鐵嘴
利畜銳乘機飛颺遲會見一擊九霄上百禽當拳血
淋漓狡兔深林無路脫後營三窟亦何為

紹述先生文集卷之二十一終

紹述先生文集卷之二十二

詩集卷之二

男善韶 校

五言律詩

陪井川元春遊東山丁卯

欲追商皓迹杖履上東山岳映酒盃東路穿松檜間
苔痕接筵綠樹影落衣斑一望興無盡却思出俗寰

冬日書懷

赫襖數行字投毫日既晡晚飧三椀足夜飲幾盃斟
畏冷預烘被貪溫強近爐圖書填左右自足味真腴

次尾片君冬日見招韻

紗窓風正冷，又值雁南來。金橘經霜熟，山茶帶雨開。
飢蜂弄黃葉，窮翼啄蒼苔。友誼莫如土，追隨仍幾迴。

丁卯新正

初日海門東，祥光萬國同。臘前暖先漏，歲後凍全融。
豈願緼袍外，自娛書史中。流年梭一擲，特地著新功。

遊蕉窓子鷹嶺別業

二月五日從家翁而遊鷹嶺知還堂北村可昌中川

好古前田親相從○戊辰

雲影淡還濃，山蹊西或東。居幽稀過翼，境寂少來蹤。
餘溼泥粘履，輕陰霞罩峯。倚欄遙四望，天外一聲鐘。

木津舟中

二月七日從家翁遊南京十一日渡木津河歸洛中川好古山本通春鹽

田秀實真瀨諒淺并某相從

行舟三五里，天遠沒西東。晴靄數峰綠，暉半樹紅。
漁歌播影外，鳥□櫓聲中。四顧興無盡，奈何雪滿空。

初夏雨中

幽居人不到，終日倚樓頭。寐闌霖三日，淒涼冷九秋。
葉聲含雨濕，山色帶煙愁。花謝鶯聲少，笙歌何處遊。

梅雨

仲夏下旬

愁雲山色微連日，雨霏霏抽綠。蒲新長弄黃，梅始肥。
暝林孤鳥沒野徑，一僧歸門巷。蕭條裏無人，敲破扉。

秋光

秋光何處好，總屬嗜詩家。簷角蛛絲破，薨涎蝸篆斜。
豆肥垂翠荚，菊秀綻黃花。拋筆茫然坐，淒風捲碧紗。

夜懷

捲簾人不寐，斜月射牆東。葉重方知露，柯鳴始覺風。
愁因詩暫遣，憂為酒初融。燈下擁衾坐，忽聞報曙鐘。

石山望湖

九月廿四日
因杜氏之招

縱目太湖上，壯觀天下。魁風微波激，滌路險石崔嵬。
思入櫓聲遠，雲穿帆影開。景情吟詎盡，暮鼓莫相催。

遊勢多川

夕沂勢多，漉蒼茫。暝色微星，光侵眼。冷島影逐人，移
柔櫓穿蘋，過輕舟礙藻。遲勝遊何日，復預約九春時。

會半山亭次主人韻

十一月二日，因尾片惟空
之招，從家君會半山亭村

漫甫篤所宗，哲
燕函皆見招

交契雅相熟，何辭來往頻。軒欄圍綠樹，門巷絕黃塵。
風隕井梧冷，霜埋籬菊新。吟窓夜方永，都屬讀書人。
寒燈宵未艾，數聽漏聲頻。斟盡瓶中酒，淨無床上塵。
唵窮詩亦拙，坐久話還新。勝集兩三輩，欲追蹤古人。

會蕉肉子席呈并狩君

仲冬初四，與篤所及前
田毅會并狩利忠九津

見某即日席上呈并狩氏
上野三浦志公家臣也

邂逅東州客偷閑情話濃浩遊皆物外泥醉屬吟中
窓暗燭將跋茗芳火正紅本非舊知識却喜道相通

次村上君見和前韻名義門肥後人十一月十一日

三復瓊瑤什敲推意轉濃高風追汶上志節慕隆中
學豈為青紫遊須尋粉紅生涯唯筆硯何必問窮通
定交垂十載志合意還濃道放三才外學歸六籍中
何嫌玄尚白豈嫌紫兼紅為約還鄉後詩筒月月通

次韻謝前田子弘見招十二月六日從家君遊于前田子弘宅村上北

村緒方尾片坂口見招蕉函子亦與

清談侵永夜落月映疎扉筵飽核殺盛詩驚瓊玖

寒帷燈焰寂曉鼎淡烟微世事且拋擲豈容論是非

寒夜示諸友李冬八日鹽田秀實渡邊元安吉因師約會集依示之

忽駭歲時窮延賓環堵中讀書須願聖力學豈從眾
損益擇三友切磋賴數公不知十年後誰是寡成功

次庄田東菴豐州見寄韻已巳

守愚甘廢棄高臥洛川東交誼一封信雅懷千里通
蒼波天渺渺落日思忡忡情緒無由達斷腸寂莫中

遊鷹嶺次蕉函韻三首

春服出些暖曳蓆度斷陂酒詩自堪樂書劍遠相隨
俗事無由犯幽懷祇自知每嗟軒冕輩役役亦何為

摘亭依峭嶠，松檜滿荒陂。岳色遮眸遠，山容與步隨。
 景宜遊客興，情有古人知。園樹花將發，曷催羯鼓為。
 快霽恣行時，道遙北嶽陂。勝遊慙品藻，幽事好追隨。
 真趣獨堪慰，俗情那得知。三春行樂足，奚亦慕無為。
 次元安生秋日旅懷韻

遊子洛陽秋，悽愴獨倚樓。候蟲催夜誦，旅雁喚鄉愁。
 事業從來大，課書何日休。望雲志增切，薄暮立江頭。

半山亭觀月

緒方新三郎宅有半山亭

梧葉半搖落，郊墟雨乍晴。寒蟬吟兩部，恬翼宿三更。
 蟾漏雲間影，鯨傳風末聲。那堪秋思裏，旅雁一行橫。

初赴集虛子之會次見示韻

坂口文安論集虛

高堂終日宴，幸是避鷲埃。葉戰先鳴竹，枝踈未著梅。
 懇情期再至，豐饌喜初來。廢學踈慵久，苦吟屢見催。

舟中次韻

庚午

風恬水紋穩，披篷時上堤。叢篁洲遠近，綠樹岐東西。
 浪拍輕艎碎，雲摩孤帆低。回看多少景，吟倦未由題。

又

泛河舟十里，將盡一條堤。松檜望江口，雲霞離洛西。
 漁歌鼓舫遠，燕子掠檣低。箇箇真天趣，豈宜費品題。

川樓遠眺

辛未

誰擇清幽地，枕流締小亭。紫苔緣毀砌，綠卉襯荒庭。
雲截嶺腰駁，天連木末青。橋南扶醉返，遠市一燈檠。

訪靈上人三首

浮屠靈空師，締廬仁和練。若之側，禪餘且愛文，字道不同，不相為謀。然予亦有文字之嗜，以好尚之適符，往訪其廬，漫呈三律。

欲尋遠公室，移步過西川。麥秀搖青穎，荷圓點碧錢。
禮時鐘二六，胸宇界三千。備問離鄉國，幾年此地禪。
振衣辭帝鄉，卓錫住雙岡。緇侶函三輩，朗吟六七章。
鳥鳴窺午鉢，猊睡暗晨香。定識誦經畢，散花滿石床。
素愛西巒秀，此來幾賦詩。雲封坐禪室，石老放生池。

客是非陶陸，師常慕遠支。隨身何所有，一鉢一軍持。

送村上甚平歸肥之八城

豈憚盡瘁勞，薄言覲厥君。好詩想多有，書信欲頻聞。
解纜鶴崎月，擲鞭熊本雲。知懷忠義氣，萬里破妖氛。

元安生宅後梅花

壬申

淺樊花萼裡，春意入孤根。灑落雪千壑，精神月一痕。
伴風香或到，和雨萼時翻。遠笛暗飛後，綠誰返艷魂。
春色誰家好，孤山處士家。短籬依毀壁，飛雪雜晴霞。
不欲千株盛，却看一朵斜。愛清標冽冽，起欲揭牖紗。

初春雜興

到頭皆媚景何地擁行厨肥雨麥千穗縹風柳萬株
野晴翔燕燕林晚聚鳥鳥遊歷未成句倚筇立日晡
奉和銀青光祿大夫勅解由小路藤公壬申歲
新風首盛作

表著侵晨列彤闈進賀書身章翔彩鶴腰袋躍金魚
幸喜時熙洽自羞才朽踈望塵常弗及唯恐曠居諸

中春偶書

二月十六日
日野公詩社

既過二月半唔啞未畢篇將從泉石友難脫利名纏
檻外馴黃鳥門前走碧泉無管是我樂何必討喬巔

春湖泛舟

十八日
詩社

東湖心二月烟景寄孤身欲泛釣魚艇先尋賣酒人

風搖波激灩影倒岳嶙峋慵學渭濱叟玩鷗未下綸

歸雁

同上

衡嶺路三千飛飛欲入燕何從殘雪後却向落花先

莫作稻梁想其虞繒纒吾王戒田獵莫恐上林弦

讚陽平田某園家園景勝介豆山遠求予詩

南州風土好此處設名園本聚丘山勝不聞車馬喧
涼亭欲題句流水不知源吾有乘桴志畫圖仔細繙

夏日同遊紫雲練壑

五月七日

香刹接雲岑共穿花木深欲尋方外客來問靜中心

課業蓮花漏遺芳，薜蘿林從今幾來。此山岳恣登臨。

夏日同遊城北僧舍五月十九日

無緣除溽暑，昏睡只如癡。久厭屢居隘，更憐景勝奇。
新篁時解籜，喬木或搖枝。推枕古龕晚，補成未了詩。

遊鷹嶺知還堂重陽日

適值登高日，石門嘗有期。眠闌因市遠，坐久見雲移。
閑散遣人事，踈狂甘栖遲。良辰兼美景，併與入新詩。
比來久索居此，日出城郭宿，好唯尋句吟。遊不待興，
飢獠窺果熟，歸鶴栖松癯。予有烟霞疾，欲將去鳥俱。

元日癸酉

四海重熙日，三朝傲載時。箕裘唯切切，棟宇自怡怡。
壁改舊題字，囊投新得詩。年年但若許，枉恨歲華馳。

夏日廬山寺奉謁一品親王席上作

梁園高會日，暮色可襟期。叨汲天潢派，誤攀桂樹枝。
蟬吟槐密處，荷放沼香時。侍宴吟愈濕，雄風洗惡詩。

一品親王席上分題賦明月落誰家

八月十三日，輪王寺一品公辨親王招諸客賦詩者賞月命予作叙。藤原宗堅源好古小寺珍義釋惠海水野子碩子井德建小河成章藤原泰通伊藤長胤釋智舜釋義道小河成材釋良按仁齋先生釋公淵藤原韶光卿藤原源龍平井喻義原永貞等十九人分題。用唐人詩一首，乃親王審製也。

眼界三千里共同一樣輝誰家光最好欲到意如飛
兔碎邊城拆夢殘空閣機不如遊寶地觴咏夜深歸

栗原翁見和予一品親王席上明月落誰家韻

再和

夜光初入握蓬華見光輝玉版淨如拭彩毫揮欲飛
論文有神助味道極玄機傾蓋更而故聖凡同一歸
乍喜雲中鳳千尋覽德輝秋生風瑟瑟林晚雨飛飛
隨處足詩景一身養道機料知遊歷地好句滿筒歸

遊高臺禪寺

十月□日源通
春招予父子

東山古名刹博陸有靈蹤空院昔年畫陰崖幾歲松

客來飲僧聚講時鐘莫咎留連久丹楓霜後濃

酬吉田懷真見和予韵二首

更喜遠公室更無來往蹤一叢春雨竹百尺參雲松
氣壯延平劍耳清豐嶺鐘花時亦非遠約步軟紅濃
本是無人境白沙鳥印蹤庭移如虎石峯偃似龍松
一點認村火數聲遞遠鐘吟髭撚斷去搔首暮嵐濃

冬日遊鷹嶺

十月十日

幽墅洛之北衡茅冠翠巒佳時易虛度快霽遇常難
柳熟紅千顆蕈香玉滿盤山亭書一架終日亂抽看
同日和春臺院邨上法印韻

難奈居湫隘胸懷今日舒峯重重疊疊林密密疎疎
燕燕辭巢後烏烏勸醉初坦途宜少月不待倩籃輿

嗣大町正淳元日作甲戌

三百六十日光陰驀地空盍簪思杜位獻策耻王通
市道從來薄世途何哭窮良工苦心處復觀古人風
稻若水子去歲應賀藩之辟赴北陸今茲告休
在洛有新正作回次其韻素好本艸最諳藥性
故五六及之

玉帛既敦聘彩衣今戲親金城受寵賜帝甸逢陽春
且誦藥名錄尤稱席上珍大藩古方伯賴子澤斯

夏初菅公祠傍移榻施箔遊賞終日

四月二十九日蕉園携行
厨招家君并冬嶺翁遊

孤榻依林際疎帷歇樾陰竹香風細細樹夏綠森森
酒渴滿甌茗風流一闋琴城西遊歷地此處好幽尋

新竹二首

刻曲子猷宅篁低圍斷橋烏嫌枝不密兒喜籜時飄
滴翠雨餘色瀟洒物外標遙思風雪裡獨立曉蕭蕭
積雨向晨霽新篁綠一叢扶疎猶漏月弱植不堪風
未見枝棲鳳難期節化龍焚香閑隱几枯籜墮墻東
若水稻子將赴賀之金澤見寄佳什一章嗣韻

謝之

都城鎖積陰，秋意結羈心。束帛君卑禮，蒲輪天斐忱。
籃輿蔭清樾，書劍躡危岑。難耐索居久，風流奈所欽。

遊鷹嶺知還堂

八月十日

又到故人野山前，沂細流危杉千嶂。晚香稻一村，秋
人好著烏帽地。宜卜菟裘新詩醉，中得聊復此優游。
軒之待佳月，浩遊幸入秋。不須碁賭野，唯解賦登樓。
負郭鱗鱗畝，遠山泱泱流。今知真樂地，不復在丹丘。

悼童柳口

柳口秀才天資穎敏，齒及志學，既能講經，及門未幾，甲戌重九日，罹疾而斃，莫以一書。

之子尚黃口，既通書與詩。滿洒居實器，穎悟子安詩。

衰葉飛千片，黃花凋一枝。童烏苗未秀，徒遺士林悲。

秋日會直諒堂

九月十三日，永井元剛招。

羨君心匠巧，城市擬山林。踈箔遮黃堦，畫屏上碧岑。

青囊已三世，朱墨惜分陰。茗話永今夕，幸逢三日霖。

是日會罷，遂造柘植氏之宅。

寒英佳節後，疎雨洗塵寰。簷簷拂檻前，竹窓含城外。山
架頭五車富，塵裡九衢閑。戢戢幾前席，團團樂忘却還。

冬初回長岡老人之招，遊清閑寺

十月九日

清閑靈蹟在，巖巖冒雲登。喬木先朝寺，衰楓古帝陵。

村炊烟欲簇樵語谷相應行樂預為約懇懃謝老僧
亂葉落寒虛十月十七日

遠岳秋風起聲聲寒在空既飛門外柳又墮井邊桐
伴鳥點青碧供兒拾墮紅却疑天上桂剪落自蟾宮

長尾知機見招次主人韵十一月五日

不着城市態衰柳擁閑門吟裏摹唐律架頭堆魯論
才豪宜賦雪志壯欲傾樽烏炭烘烘火不期綿襖温

渡邊元安國手見招十一月十四日通春成章邦憲

董公三世妙刀圭助元陽嘗好畫前易素請肘後方
圖書盡風雅供給不尋常本是舊相識莫嘆坐夜長

竹堂主人招十一月一日黑柳房之宅

詩癖從來久主人况好文寒灰撲成字新釀酌還醺
妙句鳴三籟能書習五雲縱談無別慮是日不離羣
是日賦夜梅

瑤臺斜月暮玉骨幾方終好剔銀缸見却懼玉笛聞
隔簾香遠度糊雪色難分且喜歲寒日清標伴此君
獨釣寒江雪

萬頃蒼波濶玻璃湛不流凍魚貪餌聚饑鳥避船遊
旋掃笠檐雪時望高懷天地外欲去幾遲留
次赤井平藏席上見寄韻名家孝士佐人寓三緒維文〇乙亥

不容雜賓至此夕德星臨梅逸南州色雁歸北渚音
縱橫詞客筆上下古人心雲路既休羨侯門滄海深

奉次詠訪日幡侯歲首韻

去歲同門生村上維亮筮仕于信之詠訪日
幡侯今茲錄侯新正作傳命屬于父子子賡高
韻恭綴俚言以奉和云

遭遇文明日躬欣道化隆撫民多善政為國有淳風
城險睥睨峻壤肥麻麥豐忽吟周雅韻萬慮一時融

登小倉山亭

五月二十九日從家君至
一雄通春良弼及敦衡從

厭聞我阜勝最好賦新詩流水無邊色青山大古詩

引涼眠竹榻穿邃拗松枝此地非生客况懷采藥期

菊初開

久待此花開忽欣秋色催清渭川竹魁先渚宮梅
未見一英落日穿三徑回新花殊愛護幾嗅露香來

飲豐田氏宅次芥河肯諒韻以謝
十月廿八日

欣羨駒千里奇才不可言劇談傾玉漏爛醉倒清樽
莫逆新詩在風流古道存寒宵忘却永剔燭飽玄論

直諒堂次主人水紋韻
十月廿五日

微風行水上鷺地至文流渡口渦頻轉雨餘數叵收
藻開鷓鴣泛魚沒鷺鷥愁欲見千般變故令蕩小舟

共應藤三品

龍光

之招得生字

十一月十七日

月旦許家評又逢雪未晴春從盃裏起陽向管中生
素抱南陽宅無期北關纓不唯使君雅此處好歸耕

歲除

未能支伏臘待雨少南檐風力健穿戶雪花細撲簾
唔啣舌猶在偃蹇突將黔難奈光陰迫近來詩債添

元日作

丙子

恒星拱紫極九服仰堯天赤縣無為治蒼生大有年
劇談豈捫蝨研究要承蟬春意乾坤滿鸞飛魚躍淵
飲土井詞宗鴨河亭

三月四日土井益真招荒木原泉知竹洞菴谷邦憲澤英貞及釋良猷到

下毛川一帶春服屬清明林密竹鞭逸徑長芒屨輕
墟烟晴細細澗水漲盈盈即是空同野不須訪廣成

次韻謝那波祐長見招

三月十四日冬嶺篤所甚菴壽軒松字養菴同予父子至及兄祐英

始知春九十光景異他時雲淡河南樂風飄工部詩
讀殘棊几卷滴盡露花枝莫咎枵樽腹且吟且執卮

東川子宅看牡丹

三月廿七日平井德建招予父子時薦所壽軒由土其松井其至

移植百花王却令人意狂箔因遮日掩瓶為灌畦芳

妖艷壓姚魏，來賓慙邵張。天機寫難盡，紙筆惱吟腸。

孟夏初二，因字保某之招，遊吉田神恩院。

知竹英貞時諒藤江某
中村某及弟殿衛至

名利神恩古，曾施長者金。脚日搜勝倦，思為看詩深。

松密女蘿暗，竹遮稚筍森。群峰三面綠，拱揖助吾吟。

奉贈兵部大輔富小路藤公貞維被

旨赴東武四月廿一日 疾洛執五月
八日東嶽山忌日之儀

薰風程五十，行李向江東。持節宣皇化，採詩觀國風。

蘆峰蒼靄暗，素海旭霞紅。王事欲靡盬，揮鞭先去鴻。

奉贈左近衛中將野宮藤公定基被

旨赴東武事同

晨辭青瑣闥，跋涉歷山川。魏闕馳心切，東關致奠虔。

潮聲鳴海浦，雲氣上峯巔。歸計不須晚，行垂梅雨天。

應迂晚庵之招，從家君遊靈山正智院。

五月七日 松平伯州侯家人
過達招北山惟明及二季陪

徒倚給園暮，坐聞華鯨般。九街遐繡錯，萬落散星分。

白羽不須動，黃封酌却醺。更欽道情厚，最好細論文。

飲浮陽宅

五月八日 拉肯諒
往尾藩八尾某至

九衢塵裡，廬所有一函書。酒戶強嫌小，樵途退益疎。

雖非老彭澤窮矣渴相如共喜身豪在煮魚摘圃蔬

冬嶺翁小隱二首

五月九日卯漫甫招予父子叔立益及子文安方維文北可昌堀蘭皋江宗簡那祐英三

浮陽至

吾有梅天約至期走不違豈須書咄咄故使意依依
蒲節堪殮瘠木苗宜斲肥布衣無拘束不待掛冠歸
更穿冬嶺邃遠架對薔薇裁得一詩巧莫言百事非
青奴除溽暑歡伯解愁圍者社不聞久更知此會稀

寄從表兄緒方灝在東武

緒方生宅在堀川與予同甲子文與可與二蘓後表之親故云

吾忝中表戚同里齒相如燕越地雖隔蕪文意不踈
今聞方庶矣其莫翼歸歎洛鯉休思美武昌堪食魚

應中野伯仲之招遊靈山宿阿弥亭十月二日

不尋靈鷲會緩步當安車阡陌遠難辨杉篁密却遮
且穿泥路滑欲麾夕暉斜始解古人意霜楓更勝花

冬日同集直諒堂十月念八日直方並知竹芥皆諒至

霏霏細雨天耿耿暗燈前首聚趨茶約腸枯借酒推
譚人多失姓噙舌每忘聯踈放憑君識莫嘲邊孝先
是日次芥河清介韻

世態長如許豈須嘆獨清空階談雨落斜漢坐參橫

詩酒多年契風雲累憤成面朋吾所薄難與吐真情

夕雲翁卜居東郊見招

十一月望信之本曾退士野澤氏同會讀南史招予冬嶺薦所蘭臯宗簡專益宗順等到

信州關左勝來占帝郊幽間好靠鳥几暖思却黑裘
山晨青暮紫水北折西流素封君所專茂看萬戶侯

謝蘭臯墟丈之招

念一日從家尊同冬嶺薦所宗簡文安夕雲立宜村梅元瑞到

羨君長省事且向硯田耕紅獸撥灰白蒼龍當屋明
人推黃林度經遺韋玄成比日頻頻集更無鄙吝萌

春初同並河良弼訪靈空上人

不同欲求法偶爾度林泉肩掛伽黎簪坐拈木患權
粥魚風碎响茶板半驚眠役役古今爾何為厭繫纏

是日良弼見和予韻再和二首

同來真莫逆語石聽清泉非問三車說偶訪一味禪
險途追鳥道古墓見牛眠得失一丘貉腰錢何用纏
遙認孤琴響懸崖滴暗泉五銖佛衣古一鉢樹根禪
枝曲著猿掛坡平宜犢眠嗟予無用者尚被管城纏

遊慧日山

閏月廿九日從先生往時張設書畫古器觀於泉有唐吳道子繪宋張即之扁榜

慧岳置精廬意行花簇初空龕唐世畫古壁宋人書
花掩午宜蔭柳疎風耐梳溪山真富貴尚欲曳長裾

名迹
卷之二十一
古蹟

訪桂芳保津

桂仁右衛門丹之保津人十二從先
生學仕于小出備前侯國除隱保津

沿堤過山部細徑履纒通嶺近早沉日溪迴多滯風
掛冠知己在披棘舊情濃距洛十餘里民風頓不同

訪古溪師次凍雲師見示韻

三月廿九日僧古溪招先生
及通春道悅友賢及予二弟

院靜蒲團穩衰顏是日開縱橫門接巷左右嶺成堆
顧眎雖多致品章奈匪才目穿花木徑欲去暫裴回

次方默堂見示韻

四月八日緒方宗哲招冬
嶺薦所景暉從家君到

留飲簞涼處簷端果亂垂長令頭戢戢行看髮絲絲

香乍聞奇品樹令洗醜枝南遊今不日早勉遂當期

中秋飲長尾君宅

土州長尾知幾招本尾致和
栗山之經洲長芥河時雍到

比年是夜晴詞客最關情枝外鶻三匝吟邊鳥一聲
興從閑欲逸句假睡初成且要理愁緒頻頻呼麴生

秋日同集長井君宅

八月廿一日本多能登侯家人長井七郎
大夫京邸留守招冬嶺家君篤所古峯及予

幽亭接南畝山遠豁吟眸聊就簿書暇更成翰墨遊
露湛蟲咽夕雲斷雁呼秋慣懶疎人事清狂君莫尤

一宿一來寺

九月三日從家君謁一來
寺竹門主翌日歸弘全到

一宿四明麓秋深聞雁飛嶽雲送餘濕澗月弄清暉
詩不論真白道應有是非夢醒夜岑寂僊梵遠微微

朝倉生宅次韻

十月九日時
亮良弼至

十年真耐久又聚擁爐時綴輯攤班史含咀味杜詩
經霜橘將熟迷雨雁方悲園景今蕭索又看楓葉衰

次栗山生韻

十一月
三日

高館非生客蟬驟數輩來筆乾呵凍研瓶臥盡新醅
話自情真熟暖從陽復回夜闌僮僕睡欲返喚頻催

寅所席上賦早行

得霜字六日知行尚空
之經致和時亮玄昌到

薺食促行裝星言共履霜遠巔升曙色斜月帶餘光

驢穩續殘夢雞悲欲斷腸計程頻屈指何處是吾鄉

歲晚感懷

賜念日銘
木則之宅

殘曆咄嗟頃市聲一夜驚奔波皆世路幽閒只吾曹
就暖烘烏炭冒寒斟濁醪黃鷄無狀甚徒使白頭毛

懷杰錄遊

同上

憶昔臨臯路嘗傷坡老情山鳴而谷谷月白又風清
斗酒回謀得細鱗出網烹夜深長嘯處孤鶴戛然聲

追和杜審言早春遊望韻

戊寅正月六日長
尾順哲詩社題

壺觴伴密人共賞歲華新崖樹既消雪街燕欲動春
絲絲燕外柳點點鷓鴣邊蘋徙倚倚筇屐臨風整角巾

得春山同上

登登山路遠，隔樹有人家。嫩摘波頭蕨，紅攀巖底花。
孤瓢適携酒，提盒又齎茶。何處丁丁響，歸來穿晚霞。

始到湛然居，次主人韻。

正月十八日那波古峯，招冬嶺，馬所蘭、華松、宇及子父子到。

湛然扁此室，是日雨中來。更踏漸芽艸，共尋將放梅。

三蕉添酒戶，八斗愧詩才。園景恆嘗聽，自茲到幾回。

上巳日，目林處士，招遊伏見玩桃花。

從先生到小河成材。

本尾致和垣內義凱及二季至是日宇治邑火。

破鞋與瘦藤，三五共沿塍。本自通家好，况今同社朋。
舟遠唯浩渺，城廢更峻嶒。應是桃源洞，絳霞辭欲蒸。

初夏幽居得啼

幽人茲寄跡，草樹最萋迷。呼僕掃松塢，携兒步菜畦。
門無長者過，軒有子規啼。商榷盡今古，劇談日已西。

待儔軒

四月九日鴨川由意翁別業冬嶺家父宗哲可昌楚水文安宗順立宣尚也到

欲抒丘壑志，莫逆此留連。後寺還前市，辰山又帶川。

殘葩猶著蝶，清樾未聞蟬。吟澀有奇策，新豐斗十千。

小堀君席上

清閑無一事，解舍洛城隅。留客烹蠅腹，招童試鼠鬚。
嫌人來語俗，任世喚為迂。簿領稍閒處，論文意不踈。

夏夜不寐

六月九日順哲宅

中宵耿不寐衣薄尚汗肌
饑蚋圍踈幌倦禽尋定枝
取風欄或倚近月席旋移
這意無人會素蓮開滿池
是日分題咏蟬二首

何為鳴駟樹徒斷遠人腸
高柳仍朝露密槐欲夕陽
冠雖擬纓冕聲豈中宮商
嗟爾莫多語隆車亦避塘
獨坐槐窗午雨餘咽咽悲
有時移別竒得意占高枝
雖笑蛾投燭應慙蚕吐絲
解尸還避穀此術又傳誰

吾道

吾道今窮矣萬牛不可回
匡時豈無術修補奈非才
舞罷倚長劍詩成飛酒盃
誰披荆棘路引我上春臺

席上卒和古峰韻

十月廿七日

天地一蘆樂唯在讀書冥
冥雲表雁汲汲轍中魚
目歷畏途熟却於世味
踈勝遊新句有披玩卷
遂舒

冬夜

天慵多廢課歲律奈頻回
宿火煨肥粟凍瓶澆瘦梅
字呼童屢檢樽待客初開
時有風搖樹應將微霰來

自詠

己卯

十年何所得刺楮不曾成
門戶兩臧獲詩書五弟兄
醉來天地濶拋去是非輕
愧對梅花面苦吟骨未清

雨夜

四月十一日
文甫宅得樹字

四月天街雨滂沱勢如注既翳屋後山亦濕檐前對
今宵故人亭談古首頻聚百慮吟中融燒盡香數炷

聞杜鵑 四月廿四日尚金宅

荒園叢灌木久待汝來鳴叫破月將落飛時雨未晴
孤臣空納拜棄妾不堪情倚几低垂處雲間又一聲

剪竹

新篁低礙戶堪剪也堪吟強假吳剛斧戲成祖述鞭
稀聞風蔌蔌長見月娟娟何不生間地為吾引七賢

秋晚遊小堀君松谷別業 九月十一日從先生俱敦弟往莊在大佛

側

是日拋書卷來遊松谷中閑花將上露疎竹不留風
景轉晨兼夕山圍西又東醉時坐題句隨意拾紅楓

豫州伊藤生寓隣舍

掛冠來問道一字枕長川灰畫石爐字茗烹瓦釜泉
且傾盃中物不問杖頭錢隣並是吾舍任他雪滿天

遊凹凸窠寄三好老人

四明山下住齋志避黃塵草木長為侍利名不問津
石泉枯尚掛霜葉深還新陋巷守貧者本非衰颯人

集松崎君邸舍得為字

官廨無雜賓清齋有樂地園莽照西日庭柯舞朔吹

戲分宋人句共譚古賢意嗟彼紛華子奔競是何為

凭几庚辰

晨厨炊未熟凭几静看雲簷角鳥呼友街頭人逐羣

時攤蕪米帖或點柳韓文試問春消息窓梅開十分

間杉生成允久寓東武未得志頃見示新詩二

三什仍次韻謝之

魯生何好事著論鄙錢神直道無今古世途有屈伸

始知有為者豈是若為人三四篇新句情通兩地身

題細香窩

岡本梁齋隱居在蛭崎邑五月廿日
目坂口氏介往冬嶺立益薦所毅庵

主人老而健愛客此倘伴嘗解印如斗長留酒若漿

墻根餘兩脚樹罅漏山光一字幽情足不須問醅鄉

筆

五月廿五日大
澤生宅分題

休言三寸小千古託斯文文陣功常最紙田身自耘

用時嘗畫日揮去氣成雲南董微君故那為後世聞

市原歸源院

六月四日住持性通師招同
小堀君從家君共數弟到

既過下毛川遙望鞍馬巔境清宜避俗巖怪欲棲僊

傍水榻三尺接雲屋數椽非希富春迹夙好徒周旋

遊三輪丈人賀茂幽居

九月十日從先生及
一雄松崎某阿部某藤

林其長
數到

城北最佳處放筇僅里餘長聞泉泱泱何羨屋渠渠
雨足蔬仍美秋高葉未疎退耕還不惡况有暇看書

山邨九月晦成龍宅
輝亮貞啟至

登々攀九折忽見數家村有驛何州路無人誰氏園
槿籬斜逐岸竹竇不成門縣遠稀符檄亲麻長子孫

吾友辛巳

靜聞泉滴滴忽見雪氍氍雲氣騰東北梅花放西三
先容木雖曲逆耳藥何甘吾友不佞借矮窗燈一龕

季春遊大通院呈明岩禪伯明岩名普聰二月
廿八日同緒惟文

北可昌岡宗
壽維惟集

修煉不知鴈素嫌輪鞅置石門文字古佛印道機高

怪石千章立危杉萬樹踰名區遊竟日行樂屬吾曹

自羞我歸休于廣澤側適甚三月廿四日從先
生同簡亮長衡

既過樓霞寺羊腸路欲迷盤渦孤鳥沒粉壁遠人題
村口數椽屋嶺腰一帶堤靜觀羣動妙日落小倉西

草堂

俯仰乾坤濶寄身小草堂簷風輕報鐸窓雨密留香
晏起事常了一飢人更忙世情今古爾齊物笑蒙莊

三品藤公席上四月十三日同冬嶺默堂薦
所蘭臯習齋訪藤韶光卿

雖不接城市自成李下蹊畦平蘿蔔茂林暗鶉鴉啼

綠野好亭館，玉堂舊品題。賜書朱墨遍，太乙幾宵藜。

附次韻

韶光卿

筆硯延佳客，掃除井竈蹊。晚陰蚊子亂，雨意杜鵑啼。鷹爪團多味，薔薇詩著題。村園須屢訪，不_レ乏_レ藜。

再和藤公見和子韻

何恨來遊晚入門，花滿蹊借風笋忽長欲。雨蛙爭啼

喜客尋新事，賦詩索好題。須求休浣日，相約曳_二枯藜_一。

遊清和院

四月廿二日
從松谷子

龍華輝寶地，貝葉裝金題。岩學小山勢，攔分紅藥畦。

人馴鷄犬識，意足利名低。薄飲還霑醉，晚邨蜀魄啼。

即事

悲歡成世界，去去水空流。殘滴楸梧雨，哀音絡緯秋。
稍知麴道士，日對松滋侯。萬卷未曾破，寒菹飽即休。

次並河生秋雨韻

朝來雨新歇，窓日照細衾。之子有高志，希聲見大音。
何時垂竹帛，自古重蘭金。艱食元元極，小康慰寸心。

寄坂口文安赴東武

伊軋籃輿穩，幾經登頓危。蟬依秋樹噪，雁帶海雲飛。
宦况雖相擾，鄉書莫遣稀。棗龜君記取，東嶺好芳菲。

辛巳之春新修管丞相祠成

松柏英靈閔染威，廟宇新文章。推大手，忠義仰純臣。

貝錦銷磨久鳳詔優恤頻千年土師德遺澤在斯人

春行紀事 壬午

移步失前路不曰窮水源苗隨坡勢展書就樹根繙
小市多依寺矮橋直指村雖非長往者歡適不須言

荷亭主人席上

何厭寒威緊新豐斗十千仍看燭將跋不覺席相前
竹帶風聲瘦梅添雪意妍諸君才思健珠玉見連篇
得生院席上歲晚會集得短字

不向塵中馳此會尤蕭散坡光酒三蕉玉川茶七椀
玄論親道侶彩筆對詩伴上夜已三更何厭紅影短

五月十九日荷亭主人席上用韻酬謝 甲申

軒楹涼氣足不要上高樓客意方梅雨農功過麥秋
好人來避俗有物解忘憂且看翠帷滴何山放遠眸

寶永丁亥八月十四日從

東睿一品親王觀八幡放生會舟中

王分孫明復句賦詩予得宜字 別有記

清波迴短棹淡月近佳期村自霧間過岸從橋外移
銀笙徐度曲彩筆坐題詩不是流連客秋光偏覺宜

浦井氏伯仲城東新置別墅見招 四月廿七日

更依華頂麓勝地設幽莊塔蘚雨生色庭莎風趁光

軒楹新樹竹盃酒舊心腸佗日須相記同來對二方

山村待月

九月十三日輪王寺宮席上

山近孤村在經過路且欹藤蘿斜掛處烟靄忽晴時
人語不侵坐農談還入詩回看檐外樹月上最高枝

差我自二尊院到大堰川即事

戊子

行行餘十里疊翠倚高秋村僻不成路寺荒仍有樓
魚蝦臨水市薪炭下灘舟佇立不堪感金輿奮此遊

其二

金鋪標寶地石碣界香門危磴蒼松頂短墻脩竹園
官田多入寺土姓自成邨却覺歸來處滿城車馬喧

八月十六日應大津人士之招泛湖詣辛崎

青柳元春時寓于大津招子希明延明長準到

籃輿穿疊嶺軋軋乘秋晴雲盡越天遠風收湖水平
孤松傍廟古層嶂臥波明誰是能知足使人思范生

十月朔同諸友遊東山

目瀨尾生之招復甫知幾利正長堅往

精舍倚林丘房房爭占幽千峯初落日獨樹過高秋
醉趣斯時解詩料何外求不唯情致適况免險阻憂

贈奧山知幾還阿州

負書遊帝里衣錦省阿州島樹迎孤艇海雲送客愁
隨身唯藥物極目是汀洲須了自家事人生易白頭

泉州道中

寶永己丑

行行泉攝地海氣接南溟邑落魚鹽富邦畿山水靈
孤帆雲際下別島浪中青漸盡羊腸坂紀川暮色冥
十四夜渡川舟中作八月

長川十里晴一葉泝空明種樹夾河暗候蟲近岸鳴
有人皆役役無日不營營未遂四方志徒催丘壑情

答不醒老丈見寄

庚寅

遙思南土客對此艷陽天招侶聖賢酒課兒李杜聯
郊行日未暖澗滴水猶堅又喜蒙相記忽投白雪篇

兀坐

長天唯日月青史託浮名風砌拾松子午簷喚楮生

身閑諳睡味意懶遠宦情兀坐對周易雨晴布穀聲

自白河到坂本道中

四月十二日與得生院主
園田備州同行宿于坂本

滋賀院而十三日觀山王祭儀乘舟
自大津而歸田中勝屋亦從于往

籃輿登且下清樾午陰長偏恨來遊晚却令顧眄忙
隨溪分聚落伐石代耕桑忽到最高處斷崖湖水茫

贈朝倉丈東行

往矣一盃酒渭城雨始晴層峰餘雪色巨海壯人情
燈火廿年業馬蹄千里程斯文興有日憑子樹風聲

大堰川

滾滾江流急，依山日斜意。行隨水竹蹤，跡負烟霞。有寺皆松影，無邨不荳花。峽雲不肯散，目斷送歸鴉。

七月廿四日遊松谷子城東別業次主人韻

沿途攬景勝，一逕入山堂。風栗飄新罇，幽花吐晚芳。興知隨日逸，夜喜自斯長。浴後林亭上，遺字一掬涼。

靈山即事 三月廿日

鷲峯名刹在偏，喜過從頻深。竹多佳寺殘，花尚醉人境。閑詩思熟，意足笑談新。一派清泉掛頓，空衣上塵。

紹述先生文集卷之二十二 終

滾滾紅衣急依山日斜意行隨水竹蹤跡負烟霞
青寺皆秋影無卻不盡花映雲不肯散日漸遠歸

七月廿四日遊松谷子城東別業次主人韻

沿途攬景勝一徑入山堂風栗飄新罽幽花吐晚芳
興知隨日逸夜喜自新長落後林亭上遺字一物在

靈山即事

鷲峯名剎在偏東
境闊詩思熟意足笑談新一派清泉掛壁空
上座

紹述先生文集卷之二十二

山心山

